

摘藻堂四庫全書薈要

集部

欽定四庫全書薈要

集部

山谷集卷六

四至

詳校官助教_臣常循



欽定四庫全書薈要卷一萬五千一百二十五

集部

山谷集卷四

宋 黃庭堅 撰

古詩五十首

和答外舅孫莘老病起寄同舍

次韻子瞻送李夢

次韻子瞻和王子立風雨敗書屋有感

次韻子瞻寄眉山王宣義

聽宋宗儒摘阮歌



次韻文潛同游王舍人園

次韻定國聞子由卧病績溪

博士王揚休碾密雲龍同事十三人飲之戲作

答黃冕仲索煎雙井并簡揚休

再答冕仲

戲答陳元興

再答元興

次韻冕仲考進士試卷

演雅

戲答趙伯充勸莫學書及為席子澤解嘲

戲書秦少游壁

次韻孫子實寄少游

次韻答秦少章乞酒

贈秦少儀

次韻子實題少章寄寂齋

送少章從翰林蘇公餘杭

便糴王丞送碧香酒用子瞻韻戲贈鄭彥能

詠史贈徐仲車

宿舊彭澤懷陶令

卧陶軒

次韻吳宣義三徑懷友

送劉季展從軍鴈門二首

題宛陵張待舉曲肱亭

送張天覺得登字

戲和答禽語

和邢惇夫秋懷十首

次韻子瞻題无咎所得文與可竹二首

次韻文潜休沐不出二首

和游景叔月報三捷

謝景叔惠冬笋雍酥水梨三物

再答景叔

出城送客過故人東平侯趙景珍墓

寄尉氏倉官王仲弓

和答外舅孫莘老病起寄同舍

西風挽不來殘暑推不去出門厭鞞帽稅駕喜巾屨道
山鄰日月清樾深牖戶同舍多望郎閒官無窘步少監
巖壑姿宿昔廊廟具行趨補衮職黼黻我王度歸休飲
熱客觴豆愆調護浩然養靈根勿藥有神助寄聲舊僚
屬訓誥及七著尚憐費諫紙玉唾灑新句北焙碾玄璧

谷簾煮甘露何時臨書几剥芡談至暮

次韻子瞻送李豸

驥子墮地追風日未試千里誰能識習之實錄莽皇祖
斯文如女有正色今年持橐佐春官遂失此人難塞責
雖然一闕有奇耦博懸於投不在德君看巨浸朝百川
此豈有意潢潦前願為霧豹隱文德莫愛風蟬蛻骨仙

次韻子瞻和王子立風雨敗書屋有感

婦翁不可撾王郎非嬌客十年為從學苦淡共堙厄燕

崔蚩鴻漸犬羊睨麟獲遇逢涇渭分
瞋夢春冰釋平生
五車書才吐二三策已作謗薰天
金朱果何益君窮一
窓下風雨更削跡
詩工知學進詞苦
見意迫俗情傲秦
贅婦舍不煖席南
治從東家不聞被
嘲劇師儒並世難
日月過箭疾公今
未有田把筆耕六
籍

次韻子瞻寄眉山王宣義

叅軍但有四立壁
初無臨江千木奴
白頭不是折腰具
桐帽棕鞵稱老夫
滄江鷗鷺野心性
陰壑虎豹雄牙須

鷓鴣作表初服在猩血染帶鄰翁無昨來杜鵑勸歸去
更得把酒聽提壺當今人材不乏使天上二老須人扶
兒無飽飯尚勤書婦無複禪且著襦社甕可漉溪可漁
更問黃雞肥與癯林間醉著人伐木猶夢官下聞追呼萬
釘圍腰莫愛渠富貴安能潤黃壚

聽宋宗儒摘阮歌

翰林尚書宋公子文采風流今尚爾自疑耆域是前身
囊中探丸起人一作九死貌如千歲枯松枝落魄酒中無

定止得錢百萬送酒家一笑不問今餘幾手揮琵琶送
飛鴻促絃聒醉驚客起寒蟲催織月籠秋獨雁叫羣天
拍水楚國羈臣放十年漢宮佳人嫁千里深閨洞房語
恩怨紫燕黃鸝韻桃李楚狂行歌驚市人漁父擘舟在
葭葦問君枯木著朱繩何能道人意中事君言此物傳
數姓玄璧庚庚有橫理閉門三月傳國工身今親見阮
仲容我有江南一丘壑安得與君醉其中曲肱聽君寫

松風

琵琶一
作阮咸

次韻文潛同遊王舍人園

移竹淇園下買花洛水陽風煙二十年花竹可迷藏九
衢流車馬相值各匆忙豈有道邊宅靜居如寶坊幅巾
延客酒妙歌小紅裳主人有班綴衣拂御爐香常恐鷄
鵝鳴百草為不芳故作龜曳尾頗深漆園方初開蝸牛
廬中置師子牀買田宛丘間江漢起濫觴今此百畝宮
冬溫夏清涼身閒閱世故宇靜發天光安肯聲利場牽
黃臂老蒼張侯筆瑞世三秀麗齋房作詩盛推賞明珠

計斛量掃花坐晚吹妙語益難忘重游樊素病捧心不能妝來日猶可追聽我歌楚狂

次韻定國聞蘇子由卧病績溪

炎洲冬無冰十月雷虺虺及春瘡癘行用人祭非鬼巫
師司民命藥石不入市溪弩潛發機土風甚不美蘇子
卧江南感歎中夜起聞道病在牀食魚不知旨寒暑戰
胃中士窮有如此此公天機深爵祿心已死養生遺形
骸觀妙得骨髓后皇時嘉橘中歲多成枳佳人何時來

為天啟玉齒湔袞瘴霧姿朝趨去天咫尺諸公轉鴻鈞國
器方薦砥矢詩寫予心莊語不加綺

博士王揚休碾密雲龍同事十三人飲之戲作

商雲蒼壁小盤龍貢包新樣出元豐王郎坦腹飯牀東
太官分物來婦翁棘圍深鎖武成宮談天進士雕虛空
鳴鳩欲雨喚雌雄南嶺北嶺宮徵同午窓欲眠視濛濛
喜君開包碾春風注湯官焙香出籠非君灌頂甘露椀
幾為談天乾舌本

答黃冕仲索煎雙井并簡揚休

裳

江夏無雙乃吾宗同舍頗似王安豐
能澆茗椀湔袞我風袂欲挹浮丘翁
吾宗落筆賞幽事秋月下照澄江空
家山鷹爪是小草敢與好賜雲龍同
不嫌水厄幸來辱寒泉湯鼎聽松風
夜堂朱墨小燈籠惜無纖纖來捧椀
唯倚新詩可傳本

再答冕仲

丘壑詩書雖數窮田園芋栗頗時豐
小桃源口雨繁紅

春溪蒲稗沒鳬翁投身世網夢歸去摘山鼓聲雷隱空
秋堂一笑共燈火與公草木臭味同安用茗澆磊塊胸
他日過飯隨家風買魚貫柳雞著籠更當力貧開酒椀
走謁鄰翁稱子本

戲荅陳元興

軒

平生所聞陳汀州蝗不入境年屢豐東門拜書始識面
鬢髮幸未成老翁官饔同盤厭腥膩茶甌破睡秋堂空
自言不復蛾眉夢枯淡頗與小人同但憂迎笑花枝

一作

新紅夜窓冷雨打斜風秋衣沉水換薰籠銀屏宛轉復
宛轉意根難拔如薤本

再答元輿

君不能入身帝城結子公又不能擊強有如諸葛豐法
當憔悴百寮底五十天涯一秃翁問君何自今為郎便
殿作賦聲摩空偶然樽酒相勞苦牛鐸調與黃鐘同安
得朱幡各憑熊江南樓閣白蘋風勸歸啼鳥曉窓籠男
兒邂逅功補袞烏倦歸巢葉歸本

次韻晁仲考進士試卷

少來迷翰墨無異蟲蠹木諸生程藝文承詔當品目牀
敷設箱篚賦納忽數束變名混甲乙謄寫失句讀畫窓
過白駒夜几跋紅燭釣深思嘉魚攻璞願良玉談天用
一律伸詐厭重複絲布澁難縫快意忽破竹聖言裨曲
學割袞綴邪幅注金無全巧竊發或中鵠翟公辟龐老
薪樵茂棧樸御史威降霜行私不容粟吏部提英鑒片
善蒙采錄博士刈其楚銓量頗三復因人事成事賤子

真碌碌

過白駒一
作愛白駒

演雅

秦蠶作繭自纏裹
龜螯結網工遮邏
燕無居舍經始忙
蝶為風光勾引破
老鷄銜石宿水飲
穉蜂趨衙供蜜課
鵲傳吉語安得閒
雞催晨興不敢卧
氣陵千里蠅附驥
枉過一生蟻旋磨
蟲聞湯沸尚血食
雀喜宮成自相賀
晴天振羽樂蜉蝣
空穴祝兒成螺贏
蛄蜺轉丸賤蘇合
飛蛾赴燭甘死禍
井邊蠹李螬苦肥
枝頭飲露蟬常餓

天螻伏隙錄人語射工含沙須影過訓狐啄屋真行怪
蟪蛄報喜太多可鷓鴣密伺魚蝦便白鷺不禁塵土浣
絡緯何嘗省機織布穀未應勤種播五技鼯鼠笑鳩拙
百足馬虻憐鰲跛老蚌胎中珠是賊醢雞瓮裏天幾大
螳螂當轍恃長臂熠燿宵行矜照火提壺猶能勸沽酒
黃口只知貪飯顆伯勞饒舌世不問鸚鵡纔言便闔鎖
春蛙夏蜩更嘈雜土蚓壁蟬何碎瑣江南野水碧於天
中有狎鷗閒似我

狎鷗一作白鷗

戲答趙伯充勸莫學書及為席子澤解嘲

叔盎
延賞

平生飲酒不盡味五鼎餽肉如嚼蠟我醉欲眠便遣客
三年窺牆亦面壁空餘小來翰墨場松煙兔穎傍明窓
偶隨兒戲洒墨汁衆人許在崔杜行晚學長沙小三昧
幻出萬物真成狂龍蛇起陸雷破柱自喜竒觀繞繩牀
家人罵笑寧有道汚染黃素敗粉牆誠不如南鄰席明
府蛛網鎖硯蝸書梁懷中探丸起九死才術頗似漢太
倉感君詩句喚夢覺邯鄲初未熟黃梁身如朝露無牢

強玩此白駒過隙光從此永明書百卷自公退食一爐香

戲書秦少游壁

觀

丁令威化作遼東白鶴歸朱顏未改故人非微服過宋
風退飛宋父擁篲待來歸誰饋伯牢鸚鵡妃秦氏烏生
八九子雅烏之兄畢逋尾憶炊門牡烹伏雌未肯增巢
令汝棲莫愁野雉踈家雞但願主人印累累

次韻孫子實寄少游

端

薛宣欲吏雲季氏或招閔此公胷中秋萬物被收攜賣
藥偶知名草玄非近準才難不易得志大略細謹士生
要弘毅天地為蓋軫驥來鹽車驂井下短綆引難甘呼
爾食聊寄粲然覲誰能借前籌還婦用束緼吾聞調羹
鼎異味及粉糧豈其供王羞而棄會稽笋

次韻答秦少章乞酒

觀

朝事鞍馬早吏曹文墨拘初無尺寸補但於友朋踈豈
知簞瓢子卧起一牀書炙背道堯舜雪屋相與娛步出

城東門野鳥吟廢墟頗知富貴事勢窮心亦舒詩來獻
窮狀水餅嚼冰蔬斗酒得醉否枵腹如瓠壺亦可召西
舍侯羸非博徒

贈秦少儀

覲

汝南許文休馬磨自衣食但聞郡功曹滿世名籍籍渠
命有顯晦非人作通塞秦氏多英俊少游眉最白頗聞
鴻雁行筆皆萬人敵吾早知有覲而不知有覲少儀袖
詩來剖蚌珠的皪乃能持一鏹與我箭鋒直自吾得此

詩三日卧向壁挽士不能寸推去輒數尺才難不其然

有亦未易識

此詩一作此士挽士一作挽來

次韻子實題少章寄寂齋

虛名誤壯夫古今可笑閔屍褰萬里歸書載五車攜安
知衡門下身與天地準秦晁兩美士內行頗修謹余欲
造之深抽琴去其軫寄寂喧閤間此道一作有汲引獄

戶聞笳榜市聲雜嘲譁二生對曲肱圭玉發石蘊小大

窮鵬鷁短長見椿槿

一作付椿槿

欲聞寂時聲黃鐘在龍筍

送少章從翰林蘇公餘杭

東南淮海惟揚州國士無雙秦少游欲攀天闕守九虎
但有筆力迴萬牛文學縱橫乃如此故應當家有季子
時來誰能力作難鴻鴈行飛入道山斑衣兒啼真自樂
從師學道也不惡但一作自使新年勝故年即如常在郎
罷前

便糴王丞送碧香酒用子瞻韻戲贈鄭彥能

食貧好飲嘗自嘲日給上尊無國相大農部丞送新酒

碧香竊比主家釀應憐坐客竟無羶更遭官長頗譏謗
銀杯同色試一傾排遣春寒出幃帳浮蛆翁翁盃底滑
坐想康成論泛盜重門著闕不為君但備惡客來仇餉
送新一
作肯送

詠史呈徐仲車 積

諸葛見益州釋耒答三顧川流恨未平武功原上路杜
微對諸葛輿致但求去傾心倚絰綸坐上漫書疏白鷗
渺蒹葭霜鶻在指呼借問諸葛公何如迎主簿

宿舊彭澤懷陶令

潛魚願深渺淵明無由逃彭澤當此時沉冥一世豪司
馬寒如灰禮樂卯金刀歲晚以字行更始號元亮淒其
望諸葛翫骸猶漢相時無益州牧指揮用諸將平生本
朝心歲月閱江浪空餘詩語工落筆九天上向來非無
人此友獨可尚屬予剛制酒無用酌杯盞欲招千載魂
斯文或宜當

卧陶軒

為晁無
咎作

陶公白頭卧宇宙一北窓但聞窓風雨平陸漫成江
金扛九鼎把菊醉胡牀城南晁正字國器無等雙日
月麗宸極大昕朝萬邦假版未通班曉嚴夢逢逢萬
卷曲肱裏胷中湛秋霜亦有好事人叩門提酒缸欲
眠不遣客真處更難忘

次韻吳宣義三徑懷友

佳眠未知曉屋角聞晴哢萬事頗忘懷猶牽故人夢
采蘭秋蓬深汲井短綆凍起看冥飛鴻乃見天宇空
甚念

故人寒誰省機與綜在者天一方日月老賓送往者不
可言古柏守翁仲

送劉季展從軍鴈門二首

劉郎才力耐百戰蒼鷹下韝秋未晚千里荷戈凌雪霜
十年讀書厭藜苳試尋北產汗血駒莫殺南飛寄書鴈
人生有祿親白頭可令一日無甘饌

石碕谷中玉子瘦金剛窟前藥草肥仙家耕耘成白壁
道人煮掘起風痺絳囊璀璨思盈斗竹畚香甘要百圍

到官莫道無來使日日北風鴻鴈歸

題宛陵張待舉曲肱亭

仲蔚蓬蒿宅宣城詩句中人賢忘巷陋境勝失途窮寒
殖書萬卷零亂剛直曾偃蹇勲業外嘯歌山水重晨雞
催不起擁被聽松風

送張天覺得登字

張侯起巴渝翼若垂天鵬歷詆漢諸公霜風拂觚稜去
國行萬里淡如雲水僧歸來頭益一作亦白小試不盡能

湖海尚豪氣有人議陳登持節上三晉典刑寄哀矜公
家有閒日禪窟問香燈因來叙行李斬寄老崖藤

戲和答禽語

南村北村雨一犁新婦餉姑翁哺兒田中啼鳥自四時
催人脫袴著新衣著新替舊亦不惡去年租重無袴著

和邢惇夫秋懷十首

居實

殘暑已倣裝好風方來歸未能踈團扇頗複製秋衣高
蟬遽如許長吟送落暉相戒趣女功莎蟲能表微

曩時高唐客暮雨朝行雲陰居懷天匹楚觀夢紛紜我
欲覩光儀齋明炷爐薰天高萬物肅誰為帝子魂

七均師無聲五和常主淡芸芸觀此歸一德貫真濫夢

臨秋江水魚蝦避窺明月本無心誰令作寒鑑

觀此歸一

作歸
此妙

王度無畦畛包荒用馮河秦收鄭渠成晉得楚材多用
人當其物不但軸與邁六通而四闢玉燭四時和

相如用全趙留侯開有漢名登泰山重功畧天下半讓

頗封韓彭事成群疑泮天道常曲全小智驚後患

慶州名父子忠勇橫八區許身如稷契初不學孫吳荷
戈去防秋面皺鬢欲踈雖折千里衝豈若秉事樞

謝公蘊風流詩作鮑照語絲蟲縈草紙筆力挾風雨萬
里投諫書石交化豺虎世方用賢髦先成泉下土

今日呂虢州堂堂古遺直許國輸九死補天鍊五色頗
修諫員缺人壽無金石西風壯士一作夫淚多為程顥滴

吾友陳師道抱瑟不吹竽文章似揚馬欬唾落明珠固

窮有膽氣風壑嘯於菟秋來入詩律陶謝不枝梧
邢子卧北窓吟秋意少棕讀書用意苦嘔血驚乃翁安
得和扁輩為浣學古胃肺熱今好否微涼生井桐

次韻子瞻題无咎所得與可竹二首粥字韻戲嘲
无咎人字韻詠竹

十字供籠餅一水試茗粥忽憶故人来壁間風動竹舍
前粲戎葵舍後荒苜蓿此郎如竹瘦十飯九不肉

地下文夫子風流絕此人能和晚煙色幻出歲寒身馬

鬣松成拱鷺溪色尚新應懷斲泥手去作主林神

次韻文潛休沐不出二首

風塵車馬逐得失兩關心惟有張仲蔚門前蓬蒿深自
公及歸沐畢願詩書林墻東作瘦馬萬里氣駸駸

文潛善畫

馬

與世自少味閉關非有心戎葵一笑粲露井百尺深著
書洒風雨枯筆束如林蘇公歎妙墨逼人太駸駸

和游景叔月報三捷

師雄

漢家飛將用廟謀復我匹夫匹婦讎真成折箠禽戎月
不是黃榆牧馬秋幄中已斷匈奴臂軍前可飲月氏頭
願見呼韓朝海上諸將不用萬戶侯

謝景叔惠冬笋雍酥水梨三物

玉人憐我長蔬食走送厨珍不自嘗秦牛肥膩酥勝雪
漢苑甘寒梨得霜冰底斲春生笋束豹文鮮籜饌寒玉
見他桃李憶故園曉獠應殘遶窻竹

再答景叔

女三為粲當獻王三珍同盤乃得嘗甘泉下繞藜莧腸
令我詩句挾風霜小人食珍敢取足都城一飯炊白玉
賜錢千萬民猶飢雷後排簷凍銀竹

出城送客過故人東平侯趙景珍墓

令瓊

朱顏苦一作欲留不肯住白髮政爾欺得人嬋娟去作誰

家妾意氣都成一聚塵今日牛羊上丘壑當時近前左
右嗔花開鳥啼荆棘裏誰與平章作好春

寄尉氏倉官王仲弓

嘯臺有佳人玄髮鑑筭珥登高歌一曲聽者傾城市門
無行媒迹草木倚憔悴人物方眇然誰能委圭幣

山谷集卷四

欽定四庫全書薈要卷一萬五千一百二十六

集部

山谷集卷五

宋 黃庭堅 撰

古詩七十首

考試局聞孫元忠誦書戲作竹枝歌三章
效王仲至少監詠姚花用其韻四首

戲答王定國題門兩絕句

答許覺之惠桂花椰子茶盃二首

戲答陳季常寄黃州山中連理松枝二首

姨母李夫人墨竹二首

王才元惠梅花三種皆妙絕戲答三首

王稚川既得官都下有所盼未歸戲作歎乃歌

二章

次韻子瞻子由題憇寂圖二首

劉晦叔許洮河綠石研

寺齋睡起

王立之承奉詩報梅花已落盡次韻戲答

自門下後省歸卧酺池寺觀盧鴻草堂圖

顧軒詩六首

賈天錫惠寶薰乞詩予以兵衛森畫戟燕寢凝
清香十字作詩報之

戲詠蠟梅二首

題子瞻寺壁小山枯木

題子瞻枯木

題伯時畫揩痒虎

題伯時畫觀魚僧

題伯時畫頓塵馬

題伯時畫嚴子陵釣灘

題劉將軍鴈

戲題小雀捕飛蟲畫扇

題畫孔雀

睡鴨

小鴨

竹枝詞二首

夜宿歌羅驛夢李白竹枝詞三疊

行次巫山宋林宗遣騎送折花厨醞

知命

萬州下巖

次浮塘驛見張施州小詩次其韻

知命

題驢瘦嶺馬鋪

知命

上南陵坡

知命

謫居黔南五首

考試局與孫元忠博士竹間對窓夜聞元忠誦書
聲調悲壯戲作竹枝歌三章和之 朴

南窓讀書聲吾伊北窓見月歌竹枝我家白髮問烏鵲
他家紅粧占蛛絲

屋山啼鳥兒當歸玉釵冒蛛郎馬嘶去時燈火正月半
階前雪消萱草齊

勃姑夫婦喜相喚街頭雪泥即漸乾已放游絲高百尺

不應桃李尚春寒

效王仲至少監詠姚花用其韻四首

映日低風整復斜
綠玉眉心黃袖遮
大梁城裏雖罕見
心知不是牛家花

九疑山中萼綠華
黃雲承轡到羊家
真詮蟲蝕詩句斷
猶託餘情開此花

仙衣襖積駕黃鵠
草木無光一笑開
人間風日不可耐
故待成陰葉下來

湯沐冰肌照春色海牛押簾風不開直言紅塵無路入
猶傍蜂須蝶翅來

戲答王定國題門兩絕句

非復三五少年日把酒償春頰生紅白鷗入羣頗相委
不謂驚起來賓鴻

頗知歌舞無竅鑿我心塊然如帝江花裏雄蜂雌蛺蝶
同時本自不作雙

答許覺之惠桂花椰子茶盃二首

彥先

萬事相尋榮與衰故人別來鬢成絲欲知歲晚在何許
唯說山中有桂枝

碩果不食寒林梢割而噐之如懸匏故人相見各貧病
猶可烹茶當酒肴

戲答陳季常寄黃州山中連理松枝二首

慙

故人折松寄千里想聽萬壑風泉音誰言五鬢蒼煙面
猶作人間兒女心

老松連枝亦偶然紅紫事退獨參天金沙灘頭鎖子骨

不妨隨俗暫嬋娟

姨母李夫人墨竹二首

深閨淨几試筆墨白頭腕中百斛力榮榮枯枯皆本色
懸之高堂風動壁

小竹扶疎大竹枯筆端真有造化鑪人間俗氣一點無
健婦果勝大丈夫

王才元惠梅花三種皆妙絕戲答三首

棧

城南名士遣春來三月乃見臘前梅定知鎖著江南客

故放綠梢春晚回

梢一作陰

舍人梅塢無關鎖携酒俗人來未曾舊時愛菊陶彭澤

今作梅花樹下僧

病夫中歲屏枯杓百葉緗梅觸撥人拂殺官黃春有思

滿城桃李不能春

殺一作掠

王稚川既待

一作得

官都下有所盼未歸予戲作林

夫人欸乃歌二章與之竹枝歌本出三巴其流

在湖湘耳欸乃乃湖南歌也

欸音襖
乃音藹

花上盈盈人不歸
棗下纂纂實已垂
臘雪在時聽馬嘶
長安城中花片飛

從師學道魚千里
蓋世成功黍一炊
日日倚門人不見
看盡林烏反哺兒

次韻子瞻子由題憇寂圖二首

松舍風雨石骨瘦
法窟寂寥僧定時
李侯有句不肯吐
淡墨寫出無聲詩

龍眠不似虎頭癡
筆妙天機可並時
蘇仙漱墨作蒼石

應解種花開此時

劉晦叔許洮河綠石研昱

久聞岷石鴨頭綠可磨桂溪龍文刀莫嫌文吏不知武
要試飽霜秋兔毫

寺齋睡起

元酺池寺睡起二首其一
一東字韻見第九卷

小點大癡螳捕蟬有餘不足夢憐蛭退食歸來北窓夢

一江春月趁魚船

春月一作風月

王立之承奉詩報梅花已落盡次韻戲答

直方

南枝北枝春事休
榆錢可穿柳帶柔
定自沈郎作詩瘦
不應春能生許愁

沈郎一作庾郎

自門下後省歸卧醵池寺觀盧鴻草堂圖

黃塵逆帽馬辟易
歸來下簾卧書空
不知繡鞍萬人立
何如盧郎駕飛鴻

頤軒詩六首

并序

高君素作頤軒請予賦詩予為說其義曰在易之頤
觀頤自求口實其傳曰觀頤觀其所養也自求口實

觀其自養也單豹巖棲谷飲有孺子之色而虎攻其
外張毅擎跽曲拳養人間之譽而疾攻其內養虎者
不以全物與之牧羊者去其敗羣視其後者而鞭之
養鷹者飢之是謂觀其所養之性也庖丁不以肯綮
嬰其解牛之刀痾偻丈人不以萬物易蜩之翼匹夫
之志不可奪於三軍之帥是謂觀其自養觀其所養
盡物之性也觀其自養盡己之性也詩云如切如磋
如琢如磨求盡性而已君素樂善能賢將求學問日

新之功故作頤軒以養其正吉乃以觀頤自求口實
六字作詩以勸戒之

金石不隨波松竹知歲寒冥此芸芸境迴向此心觀
知足是靈龜無厭乃朶頤虚心萬物表寒暑自四時
無外一精明六合同出自公能知本原佛亦不相似
辱莫辱多欲樂莫樂無求人生強學耳萬古一東流
樞機要發遲飲食減一作戒味厚漁人溺於波君子溺於

口

涇流不濁渭種桃無李實養心去塵緣光明生虛室

賈天錫惠寶薰乞詩予以兵衛森畫戟燕寢凝清
香十字作詩報之久失此藁偶於門下後省故
紙中得之

險心游萬仞躁欲生五兵隱几香一炷靈臺湛空明
晝食鳥窺臺宴坐日過砌俗氛無因來煙霏作輿衛
石蜜化螺甲楔榼煮水沉博山孤煙起對此作森森
輪囷香事已郁郁著書畫誰能入吾室脫汝世俗械

賈侯懷六韜家有十二戟天資喜文事如我有香癖
林花飛片片香歸野泥燕閉閣和春風還尋蔚宗傳
公虛采蘋宮行樂在小寢香光富發聞色敗不可捻
牀幃夜氣馥衣桁晚煙凝瓦溝鳴急雪睡鴨照華燈
雉尾映鞭聲金鑪拂太清班近聞香早歸來學得成
衣篝麗紈綺有待乃芬芳當念真富貴自薰知見香

戲詠臘梅二首

金蓓鎖春寒惱人香未展雖無桃李顏風味極不淺

體薰山麝臍色染薔薇露披拂不滿襟時有暗香度

題子瞻寺壁小山枯木

爛腸五斗對獄吏白髮千丈濯滄浪却來獻納雲臺表
小山桂枝不相忘

題子瞻枯木

折衝儒墨陳堂堂書入顏楊鴻鴈行胷中元自有丘壑
故作老木蟠風霜

題伯時畫揩痒虎

猛虎肉醉初醒時
揩磨苛痒風助威
枯楠未覺草先低
木末應有行人知

題伯時畫觀魚僧

橫波一網腥城市
日暮江空煙水寒
當時萬事心已死
猶恐魚作故時看

題伯時畫頓塵馬

竹頭搶地風不舉
文書堆案睡自語
忽看高馬頓風塵
亦思歸家洗袍袴

題伯時畫嚴子陵釣灘

平生久要劉文叔不肯為渠作三公能令漢家重九鼎
桐江波上一絲風

題劉將軍鴈

滕王蛺蝶雙穿花東丹胡馬歎胡沙祁連將軍一筆鴈
生不並世俱名家

戲題小雀捕飛蟲畫扇

小蟲心在一啄間得失與世同輕重丹青妙處不可傳

輪扁斲輪如此用

題畫孔雀

桄榔暗天蕉葉長
終露文章嬰世網
故山桂子落秋風
無因雄雌青雲上

睡鴨

山雞照影空自愛
孤鷺對鏡不作雙
天下真成長會合
兩鳬相倚睡秋江

小鴨

小鴨看從筆下生
幻法生機全得妙
自知力小畏滄波
睡起晴沙依晚照

竹枝詞二首

撐崖拄谷蝮蛇愁
入箐攀天猿掉頭
鬼門關外莫言遠
五十三驛是皇州

浮雲一百八盤縈
落日四十九渡明
鬼門關外莫言遠
四海一家皆弟兄

古樂府有巴東三峽巫峽長
猿鳴三聲淚霑裳
但以

抑怨之音和為數疊惜其聲今不傳予自荊州上峽
入黔中備嘗山川險阻因作二疊傳與巴娘令以竹
枝歌之前一疊可和云鬼門關外莫言遠五十三驛
是皇州後一疊可和云鬼門關外莫言遠四海一家
皆弟兄或各用四句入陽關小秦王亦可歌也

予既作竹枝詞夜宿歌羅驛夢李白相見於山間
曰予往謫夜郎於此聞杜鵑作竹枝詞三疊世
傳之不予細憶集中無有請三誦乃得之

一聲望帝花片飛萬里明妃雪打圍馬上胡兒那解聽
琵琶應道不如歸

竹竿坡面蛇倒退摩圍山腰胡孫愁杜鵑無血可續淚
何日金雞赦九州

命輕人鮓甕頭船日瘦鬼門關外天北人墮淚南人笑
青壁無梯聞杜鵑

行次巫山宋楙宗遣騎送折花厨醞

知命

攻許愁城終不開青州從事斬關來喚得巫山強項令

插花傾酒對陽臺

萬州下巖

空巖靜發鐘聲響古木倒掛藤蘿昏
莫道蒼崖鎖靈骨
時應持鉢到諸村

次浮塘驛見張施州小詩次其韻

知命

歎息施州成老醜當年玉雪瑩相照
舊時去天一尺五
今日萬里聽猿叫

題驢瘦嶺馬鋪

知命

老馬飢嘶驢瘦嶺病人生入鬼門關病人甘作五溪卧
老馬猶思十二閑

上南陵坡

知命

風餐水宿六千里蛇退猿愁百八盤上得坡來總歡喜
摩圍依約見峯巒

謫居黔南五首

摘樂天句

相望六千里天地隔江山十書九不到何用一開顏
霜降水反壑風落木歸山冉冉歲華晚昆蟲皆閉關

冷淡病心情暄和好時節故園音信斷遠郡親賓絕
山郭燈火稀峽天星漢少年光東流水生計南枝鳥
冥性齊遠近委順隨南北歸去誠可憐天涯住亦得

山谷集卷五

欽定四庫全書薈要卷一萬五千一百二十七

集部

山谷集卷六

宋 黃庭堅 撰

古詩五十一首

題小猿呌驛

知命

筇竹

次韻李任道晚飲鎖江亭

再次韻兼簡履中南玉三首

次韻任道食荔支有感三首

廖致平送綠荔支

謝楊履道送銀茄四首

送石長卿太學秋補 贈知命弟離戎州

姪拒隨知命舟行 次韻黃斌老所畫橫竹

次韻謝斌老送墨竹十二韻

用前韻謝子舟為予作風雨竹

再用前韻詠子舟所作竹

戲詠子舟畫兩竹兩鸚鵡

次韻答斌老病起獨游東園二首

又和二首

又答斌老病愈遣悶二首

從斌老乞苦笋

楊明叔惠詩次韻作四詩報之

明叔有意於斯文故今以此事相付

楊明叔用蛟龍得雲雨鵬鶚在秋天作十詩見

餞因用其韻以別

題榮州祖元大師此君軒

青神縣尉廳借景亭 戲贈家安國

題石恪畫嘗醋翁

題子瞻畫竹石

題晁以道雪鴈圖

贈惠洪

題小猿呌驛

知命

大猿呌罷小猿啼
箐裏行人白晝迷
惡藤牽頭石齧足
嫗牽兒隨淚錄續
我亦下行莫啼哭

筇竹

道人手挿兩三竹
使君忽來唾珠玉
不須客賦千首詩
若是賞音一夔足
世人同處但同流
一絲不掛似太俗

客來問我有何好道人優波遠山綠

石本問我作莫問優波作優曇

次韻李任道晚飲鎖江亭

西來雪浪如魚烹兩崖筴簞乃可橫忽思鍾陵江十里
白蘋風起縠紋生酒杯未覺浮蟻滑茶鼎已作蒼蠅鳴
歸時共湏落日盡亦嫌持蓋僕屢更

再次韻兼簡履中南玉三首

李侯詩律嚴且清諸生賡載筆縱橫句中稍覺道戰勝
胷次不使俗塵生山繞樓臺鐘鼓晚江觸石磯碁杵鳴

鎖江主人能致酒願渠久住莫終更

江津道人心源清不繫虛舟盡日橫道機禪觀轉萬物
文彩風流被諸生與世浮沈惟酒可隨時憂樂以詩鳴

江頭一醉豈易得事如浮雲多變更一作喜
變更

鎖江亭上一樽酒山自白雲江自橫李侯短褐有長處
不與俗物同條生經術貂蟬續狗尾文章瓦釜作雷鳴
古來寒士但守節夜夜抱關聽五更

次韻任道食荔支有感三首

一錢不直程衛尉萬事稱好司馬公白髮永無懷橘日
六年悵荔支紅

今年荔支熟南風莫愁留滯太史公五月照江鴨頭綠
六月連山柘枝紅

舞女荔支熟雖晚臨江照影自惱公天與戲羅裝寶髻
更按猩血染殷紅

廖致平送綠荔支為戎州第一王公權荔支綠酒
亦為戎州第一

王公權家荔支綠廖致平家綠荔支試傾一柸重碧色
快剥千顆輕紅肌撥醅葡萄未足數堆盤馬乳不同時
誰能同此勝絕味惟有老杜東樓詩

杜子美宴戎州東樓詩云重碧醅春

酒輕紅
擘荔支

謝楊履道送銀茄四首

藜藿盤中生精神珍蔬長蒂色勝銀朝來鹽醢飽滋味
已覺瓜瓠漫輪囷

君家水茄白銀色殊勝埧裏紫彭亨蜀人生疎不下箸

吾與北人俱眼明

白金作顆非推成中有椎栗嚼白冰
戎州夏畦少蔬供
感君來飯在家僧

畦丁收盡垂露實葉底猶藏十二三
待得銀包已成殼
更當乞種過江南

送石長卿太學秋補

長卿家亦但四壁文君窺之介如石
胷中已無少年事
骨氣乃有老松格
漢文新覽天下圖
詔山採玉淵獻珠

再三可陳治安策第一莫上登封書

贈知命弟離戎州

道人終歲學陶朱西子同舟泛五湖
船窓卧讀書萬卷
還有新詩來起予

姪拒隨知命舟行

莫去沙邊學釣魚莫將百丈作輓轡
清江濯足窓下坐
燕子日長宜讀書

次韻黃斌老所畫橫竹

酒澆胃次不能平吐出蒼竹歲崢嶸卧龍偃蹇雷石驚
公與此君俱忘形晴窓影落石泓處松煤淺染飽霜兔
中安三石使屈蟠亦恐形全便飛去

次韻謝斌老送墨竹十二韻

古今作生竹能者未十輩吳生勒枝葉筌案遠不逮江
南鐵鉤鎖最許誠懸會燕公洒墨成落落與時背壁如
剗心松中有歲寒在湖州三百年筆與前哲配規摹轉
銀鉤幽賞非俗愛披圖風雨入咫尺莽蒼外吾子學湖

州師逸功已倍有來竹四幅冬夏生變態預知更入神
後出遂無對吾詩被壓倒物固不兩大

世傳江南李正作竹自根至梢

極小者一一鉤勒成謂之鐵鉤
鎖自云惟柳公權有此筆法

用前韻謝子舟為予作風雨竹

子舟詩書客畫手睨前輩挹袂拍其肩餘力左右逮摩
拂造化鑪經營鬼神會光煤疊亂葉與世作者背看君
回腕筆猶喜漢儀在歲寒十三本與可可追配小山蒼
苔面突兀謝憎愛風斜兼雨重意出筆墨外吾聞絕一

源戰勝自十倍榮枯轉時機生死付交態狙公倒七芋
勿用嗔喜對此物當更工請以小喻大

再用前韻詠子舟所作竹

森削一山竹壯士十三輩自干雲天去草芥肯下逮虛
心聽造物顛沛風雲會榮枯偶同時終不相弃背誰云
湖州沒筆力今尚在阿奎雖墨妙好以桃李配國工裁
主意冷淡恐不愛子舟落心畫榮觀不在外耆年道機
熟增勝常更倍祖述今百家小紙弄姿態雖云出湖州

卷置懶開對非公筆如椽孰能為之大

桃李一作竹鶴

戲詠子舟畫兩竹兩鸚鵡

風晴日暖搖雙竹竹間相語兩鸚鵡鸚鵡之肉不可看
人生不材果為福子舟之筆利如錐千變萬化皆天機
未知筆下鸚鵡語何似夢中胡蝶飛

次韻答斌老病起獨游東園二首

萬事同一機多慮乃禪病排悶有新詩忘蹄出兔徑蓮
花生淤泥可見嗔喜性小立近幽香心與晚色靜

主人心安樂花竹有和氣時從物外賞自益酒中味
斷枯蟻改穴掃籜笋迸地萬籟寂中生乃見風雨至

又和二首

西風鏖殘暑如用霍去病踈溝滿蓮塘掃葉明竹
筵中有寂寞人自知圓覺性心猿方睡起一笑六
窓靜

外物攻伐人鐘鼓作聲氣待渠弓箭盡我自味無
味宴安衽席間蛟鱷垂涎地君子履微霜即知堅
冰至

又答斌老病愈遣悶二首

百病從中來悟罷本非病西風將小雨涼入居士逕苦竹遶蓮塘自悅魚鳥性紅粧倚翠蓋不點禪心淨

風生高竹涼雨送新荷氣魚遊悟世網鳥語入禪味一揮四百病智刃有餘地病來每厭客今乃思客至

從斌老乞苦笋

南園苦笋味勝肉籜龍稱寬莫採錄煩君更致蒼玉束

明日風雨皆成竹

更致一作便致

楊明叔惠詩格律詞意皆薰沐去其舊習予為之

喜而不寐文章者道之器也言者行之枝葉也
故次韻作四詩報之耕禮義之田而深其耒明
叔言行有法當官又敏於事而卹民故予期之
以遠者大者

魚去游濠上鵝來止坐隅吉凶終我在憂樂與生俱決
定不是物方名大丈夫今觀由也果老子欲乘桴

終我
在一

作惟
在我

道常無一物學要反三隅喜與嗔同本嗔時喜自俱心

隨物作宰人爲我非夫利用兼精義還成到岸桴

爲我一作

我謂

全德備萬物大方無四隅身隨腐草化名與太山俱道
學歸吾子言詩起老夫無爲蹈東海留作濟川桴

匹士能光國三孱不滿隅竊觀今日事君與古人俱氣
類騁求友精誠石望夫雷門震驚手待汝一援桴

庭堅老懶衰墮多年不作詩已忘其體律因明叔

有意於斯文試舉一綱而張萬目蓋以俗爲雅

以故為新百戰百勝如孫吳之兵棘端可以破
鏃如甘蠅飛衛之射此詩人之奇也明叔當自
得之公眉人鄉先生之妙語震耀一世我昔從
公得之為多故今以此事相付

窮奇投有北鴻鵠止丘隅我已魑魅禦君方燕雀俱道
應無芥蒂學要盡工夫莫斬獐狙杙明堂待棟桴

楊明叔從予學問甚有成當路無知音求為瀘州
從事而不能得予蒙恩東歸用蛟龍得雲雨鵬

鷄在秋天作十詩見餞因用其韻以別

平津善牧豕飲飛能斬蛟終藉一汲黯淮南解兵交楊
子有直氣未忍死草茅引之入漢朝誰為續弦膠

楊君清渭水自流濁涇中今年貧到骨豪氣似元龍男
兒生世間筆端吐白虹何事與秋螢爭光蒲葦叢

事隨世滔滔心欲自得得楊君為已學度越輩流百坐
捫故衣蝨垢襪春汗黑睥睨紈袴兒可飲三斗墨

清靜草玄學西京有子雲太尉死宗社大鳥泣其墳寂

冥向千載風流被仍昆富貴何足道聖處要策勲
桑輿金石交既別十日雨子輿裹飯來一笑相告語揚
子困簞瓢諸公不能舉儻可從我歸沙頭駐鳴艫
山圍少天日狐鬼能作妖睽閃載一車獵人用鳴梟小
智窘流俗蹇淺不能超安得萬里沙霜晴看射鵰

元之如砥柱大年若霜鷄王楊立本朝與世作郭郭觀
公有膽氣似可繼前作丈夫存遠大曾次要落落

虛心觀萬物險易極變態皮毛剝落盡惟有真實在侍

中乃珥貂御史則冠豸照影或可羞短簑釣寒瀨

松柏生澗壑坐閱草木秋金石在波中仰觀萬物流

鶻自鶻鶻伊優自伊優但觀百歲後傳者非公侯

鶻一作恍

老作同安守蹇足信所便胸中無水鏡敢當吏部銓恨
此虛名在未脫世糾纏夢作白鷗去江南水如天

題榮州祖元大師此君軒

王師學琴三十年響如清夜落澗泉滿堂洗盡箏琶耳
請師停手恐斷絃神人傳書道人命死生貴賤如看鏡

晚知直語觸憎嫌深藏幽寺聽鐘磬有酒如澠客滿門
不可一日無此君當時手栽數寸碧聲挾風雨今連雲
此君傾蓋如故舊骨相奇怪清且秀程嬰杵白立孤難
伯夷叔齊采薇瘦霜鐘堂上弄秋月微風入絃此君說
公家周彥筆如椽此君語意當能傳

青神縣尉廳葺城頭舊屋作借景亭下瞰史家園
水竹終日寂然了無人迹又當大木綠陰之間
戲作長句奉呈信孺明府介卿少府

青神縣中得兩張愛民財物惟恐傷二公身安民乃樂
新葺城頭六月涼竹鋪不浣吳綾襪東西開軒蔭清樾
當官借景未傷民恰似鑿池取明月

戲贈家安國

家侯口吃善著書常願執戈王前驅朱紱蹉跎晚監郡
吟弄風月思天衢二蘇平生親且舊少年筆硯老杯酒
但使一公轉鴻鈞此老矍鑠還冠軍

題石恪畫嘗醕翁

石媼忍酸啄三尺石
皤嘗味面百摺誰知聳膊寒至骨
圖畫不減吳生筆

題子瞻畫竹石

風枝雨葉瘠土竹
龍蹲虎踞蒼蘚石
東坡老人翰林公
醉時吐出胸中墨

題晁以道雪鴈圖

飛雪灑蘆如銀箭
前鴈驚飛後回盼
憑誰說與謝玄暉
休道澄江靜如練

贈惠洪

吾年六十子方半槁項項螺忘歲年韻勝不減秦少覲
氣爽絕類徐師川不肯低頭拾卿相又能落筆生雲煙
脫却衲衫一作衣著蓑笠來佐涪翁刺釣船


山谷集卷六

謹案卷四第八頁後四行鈞深思嘉魚刊本鈞訛

鈞今改

第十一頁前一行薛宣欲吏雲刊本薛訛薛今改
第十一頁後八行剖蚌珠的矇刊本珠訛蛛據宋
文鑑改

第十四頁後一行在者天一方刊本在訛往今改
卷六第十二頁後三行恰似鑿池取明月刊本恰
訛恰今改



總校官庶吉士 臣張能照

校對官中書 臣張九鐔

謄錄監生 臣龍翔

欽定四庫全書薈要

集部

山谷集卷

七至九

詳校官助教_臣常循



欽定四庫全書薈要卷一萬五千一百二十八

集部

山谷集卷七

宋 黃庭堅 撰

古詩五十二首

律詩二首

和王觀復洪駒父謁陳無已長句

以古銅壺送王觀復

王充道送水仙花五十枝欣然會心為之作詠

次韻益修四弟

以峽州酒遺益修復繼前韻

病起荆江亭即事十首

謝答聞善二兄九絕句

戲呈聞善

劉邦直送水仙花

次韻向和卿行松滋縣與鄒天錫夜語南極亭

二首

戲簡朱公武劉邦直田子平五首

戲詠暖足餅二首

鄒松滋寄苦竹泉橙麴蓮子湯三首

次韻答黃與迪

次前韻謝與迪惠所作竹五幅

題胡逸老致虛庵
題蓮華寺

衝雨向萬載道中得道遙觀遂託宿戲題

題竹尊者軒
送密老住五峯

拜劉凝之畫像
跋子瞻和陶詩

題李亮功戴嵩牛圖

次韻子瞻和太白潯陽紫極宮感秋詩韻追懷

太白子瞻

瓊芝軒

龜殼軒

秋聲軒

次韻徐仲車喜董元達訪之作南郭篇四韻

次韻仲車為元達置酒四韻

次韻仲車因婁行父見寄之詩

和王觀復洪駒父謁陳無已長句

陳君今古焉不學清渭無心映涇濁漢官威儀重九鼎
集賢學士見一角王侯文采似於菟洪甥人間汗血駒

相將問道城南隅無屋止借船官居有書萬卷繞一作

四壁樵蘇不費談至夕主人自是文章伯鄰里頗恠有

此客食貧久仕天一方佳人可思不可忘河從天來砥

柱立愛莫助之涕淋浪

仕一作在

以古銅壺送王觀復

隨俗易汨沒從公常糾紛我觀王隆化入籀不改薰未
見蛇起陸已看豹成文愛君古人風古壺投贈君酌酒
時在傍可用弭楚氛問君何以報直諒與多聞

王充道送水仙花五十枝欣然會心為之作詠

凌波仙子生塵襪水上輕盈步微月是誰招此斷腸魂
種作寒花寄愁絕含香體素欲傾城山礬是弟梅是兄
坐對真成被花惱出門一笑大江橫

次韻益修四弟

霜晚菊未花節物亦可嘉欣欣登高侶畏雨占暮霞

諺云

朝霞不出門暮霞行千里

楚人醞菴豆輕碧自相誇老夫不舉酒

嗽鳴西車良辰與美景客至但成嗟

以峽州酒遺益修復繼前韻

令節不把酒新詩徒拜嘉頗憶宋玉賦登高氣成霞渚
宮但衰柳朝雲為誰誇吾宗懷古恨流涎過麴車一壺
澆往事聊送解愁嗟

鮮一作耐

病起荆江亭即事十首

翰墨場中老伏波菩提坊裏病維摩近人積水無鷗鷺
時有歸牛浮鼻過

維摩老子五十七天子大聖初元年傳聞有意用幽側

病着不能朝日邊

禁中夜半定天下仁風義氣徹修門十分整頓乾坤了
復辟歸來道更尊

成王小心似文武周召何妨略不同不須要出我門下
實用人材即至公

司馬丞相昔登庸招用元老超羣公楊綰當朝天下喜
斷碑零落卧秋風

昔登庸一作驟登庸

死者已死黃霧中三事不數兩蘇公豈謂高才難駕御

空歸萬里白頭翁

謂一作爲

文章韓杜無遺恨
草詔陸贄傾諸公
玉堂端要真學士
須得儋州秃鬢翁

閉門覓句陳無已
對客揮毫秦少游
正字不知溫飽未
西風吹淚古藤州

吹一作揮

張子耽酒語蹇吃
聞道潁州又陳州
形模彌勒一布袋
文字江河萬古流

魯中狂士邢尚書
本意扶日上天衢
惇夫若在鷁此老

不令平地生崎嶇

謝答聞善二兄九絕句

身入醉鄉無畔岸
心與歡伯為友朋
更闌驀坐客星散
午過未蘇髮鬢髥

未嘗頃刻可去酒
無有一日不吟詩
詩狂克念作酒聖
意態忽如年少時

群猪過飲尚可醉
疥手輟甕庸何傷
柳家兄弟太迫窄
狂藥不容人發狂

莫作噐號驚四鄰
甕中有地可藏真
淵明醉握遠公手
大笑絕倒人不嗔

阮籍醉睡不論昏
劉伶雞肋避尊拳
至今凜凜有生氣
飲酒真成不愧天

公擇醉面桃花紅
人百忤之無愠容
莘老夜闌傾數斗

焚香默坐日生東

李公擇尚書
孫莘老中丞

推牀破面根觸人
作無義語怒四鄰
尊中歡伯笑爾輩

我本和氣如三春

陶令舍中有名酒無夕不為父老傾四坐歡欣觀酒德
一燈明暗又詩成

阮籍劉伶智如海人間有道作糟丘酒中無諍真三昧
便覺嵇康輸一籌

戲呈聞善

堆豗病鶴怯雞羣見酒特地生精神坐中索起時被肘
亦任傍人嫌我真

劉邦直送水仙花

錢塘昔聞水仙廟荊州今見水仙花暗香靚色撩詩句

宜在林逋處士家

錢塘有水仙王廟林和靖祠堂近之東坡先生以為和靖清節映世遂移

神像配食水仙王云

次韻向和卿行松滋縣與鄒天錫夜語南極亭二首

雪泥滑滑到山郭提壺勸沽亦不惡林中解道不如歸
家人應念思歸樂

衝風衝雨走七縣惟有白鷗盟未寒坐中更得江南客
開盡南窓借月看

戲簡朱公武劉邦直田子平五首

不趨吏部曹中版且鱸高沙湖裏魚雖無季子六國印
要讀田郎萬卷書

歡伯可解藜藿嘲孔方定非金石交君看劉郎最多智
昨者火事幾焚巢

劉郎好詩又能文方我奔竄義甚敦為親未葬走人門
閉門却掃不足論

朱家塤荒好兄弟陋巷六經葵莧秋我卜荊州三畝宅

讀田家書從之游

朱公趨朝瘦至骨歸來豪健踞胡牀日看省曹閣者面
何如田家侍兒粧

戲詠暖足餅二首

少姬暖足卧或能起心兵千金買脚婆夜夜睡天明
脚婆元不食纏裹一衲足天明更傾瀉頰面有餘燠

鄒松滋寄苦竹泉橙麴蓮子湯三首

松滋縣西竹林寺苦竹林中甘井泉巴人謾說蝦蟇焙

試覘春芽來就煎

天將金闕真黃色借與洞庭霜後橙
松滋解作逡巡麴壓倒江南好事僧

新收千百秋蓮葯剥盡紅衣搗玉霜
不假參同成氣味跳珠碗裏綠荷香

次韻答黃與迪

和氏有尺璧楚國無人知青山抱國器
歲月忽如遺但使玉非石果有遭逢時
吾宗固神秀天乃晚成之蘭芳

深九畹露味挹三危流俗不顧省古人可前追曾中凌
雲賦自貴知音希淵源學未淺孝友家正肥與世殊軌
轍三黜理亦宜吳溪浣紗女不用朱粉施豈伊風塵子
市門自夸毗我作輶道囚三年始放歸邂逅終日語貽
我五字詩句如秋雨晴遠峯抹脩眉老馬甘伏櫪坐看
天驥馳灑掃清樾下當為果茗期光陰去易失日月轉
兩儀仲氏有東園花竹深可依寸步不往來千里常夢
思幾時開後戶扶策方自茲

次前韻謝與迪惠所作竹五幅

吾宗墨脩竹心手不自知天公造化鑪攬取如拾遺風
雪煙霧雨榮悴各一時此物抱晚節君又潤色之抽萌
或發石懸筓有貼危林梢一片雨造次以筆追猛吹萬
籟作微涼大音稀霜兔束豪健松煙泛硯肥盤桓未落
筆落筆必中宜今代捧心學取笑如東施或可遺巾幘
選悞如辛毗生枝不應節亂葉無所歸非君一起予衰
病豈能詩憶君初解鞍新月挂彎眉夜來上金鏡坐歎

光景馳我有好素絹晴明要會期漪漪淇園姿此君有
威儀願作數百竿水石相因依他年風動壁洗我別後
思開圖慰滿眼何時遂臻茲

題胡逸老致虛菴

藏書萬卷可教子遺金滿籬常作灾能與貧人共年穀
必有明月生蚌胎山隨宴坐畫圖出水作夜窓風雨來
觀山觀水皆得妙更將何物污靈臺

一作莫將世事侵
兩鬢小菴觀靜鑠

靈臺

題蓮華寺

狂卒猝起金坑西脅從數百馬百蹄所過州縣不敢誰
肩輿虜載三十妻孥生有膽無智略謂河可馮虎可搏
身膏白刃浮屠前此鄉父老至今憐

衝雨向萬載道中得逍遙觀遂託宿戲題

逍遙近道邊憇息慰憊憊晴暉時晦明謔語諧讜論草
萊荒蒙龍室屋壅塵坐僕僮侍偏仄涇渭清濁混

題竹尊者軒

平生脊骨硬如鐵聽風聽雨隨宜說百尺竿頭放步行
更向脚跟參一節

送密老住五峯

我穿高安過萍鄉七十二渡遶羊腸水邊林下逢衲子
南北東西古道場五峯秀出雲雨上中有寶坊如側掌
去與青山作主人不負法昌老禪將栽松種竹是家風
莫嫌斗絕無來往但得螺師吞大象從來美酒無深巷
一本羊腸下有兩句云去時擲茗奉正香歸來秧稻夏日長

拜劉凝之畫像

棄官清潁尾買田落星灣身在菰蒲中名滿天地間誰
能四十年保此清淨退往來澗谷中神光射牛背

跋子瞻和陶詩

子瞻謫嶺南時宰欲殺之飽喫惠州飯細和淵明詩彭
澤千載人東坡百世士出處雖不同風味乃相似東坡云古

之詩人有擬古之作矣未有追和古人者也追和古人
則始於東坡吾於詩人無所甚好獨好淵明其詩質而
實綺癯而實腴自曹劉鮑謝李杜諸人皆莫及也吾前
後和其詩凡一百有九篇至其得意自謂不甚愧淵明

然吾之於淵明豈獨好其詩也哉如其為人實有感焉淵明臨終疏告儼等吾少而窮苦每兼以家弊東西游走性劉才拙與物多忤自量為已必貽俗患僂僂辭世使汝等幼而飢寒淵明此語益實錄也吾真有此病而不早自知半生出仕以犯世患此所以深愧淵明欲以晚節師範其萬一也

題李亮功戴嵩牛圖

公寅

韓生畫肥馬伏仗有輝光戴老作瘦牛平生

一作田

千頃

荒穀觶告主人實已盡筋力乞我一牧童林間聽橫笛

次蘇子瞻和李太白尋陽紫極宮感秋詩韻追懷

太白子瞻

不見兩謫仙長懷倚修竹行遶紫極宮明珠得盈掬平生人欲殺耿介受命獨往者如可作抱被來同宿砥柱閱頽波不疑更何卜但觀草木秋葉落根自復我病二十年大斗久不覆因之酌蘇李蟬肥社醅熟

瓊芝軒

卓僊在時養瓊芝深根固蒂活人命憧憧來問此何草

但告渠是唐婆鏡

子瞻詩所記胡道士王芝一名瓊田草者俗號其葉為唐婆鏡葉底開花

故號羞天花以予考之其實本草之鬼臼也歲生一白如黃精而堅瘦滿十二歲可為藥就土中生根取一白

勿令大本知也煮麵如餠肫皮裹一白吞之數日不飢
啗三白可辟穀也黃龍山老僧多採而斷食令人體臞
而神王今方家所用鬼白乃鬼燈擎耳如蜀人用鬼箭
但用一草根不知何物也鎮陽趙州間道傍叢生三羽
者真鬼箭俗醫用藥如此而責古方不治病可勝歎哉
因論玉芝故并記之以遺胡道士道士胡君洞微卓君
玘之弟子卓君之時欲崇飾宮觀而俗緣薄規模甚遠
而不成就及胡君而宮殿崇成便齋曲房松竹蒼蔚觀
其軒窻開塞宜冬而愜夏智慮通物者也又好文多藝能
治賓客具至者忘歸此東坡先生所以每至而留連者
歟

龜殼軒

紫極宮中三百楹道人獨藏一神屋開軒納息星月明

時有白雲來伴宿

秋聲軒

誰居空閒扇索籥情與無情並時作是聲皆自根極來
更莫辛勤問南郭

次韻徐仲車喜董元達訪之作南郭篇四韻

董侯從軍來意望名不朽歟門拜徐公在德不在酒徐
公雖避俗對客輒粲然耳不聞世事時誦陶令篇

次韻仲車為元達置酒四韻

射陽三萬家莫貴徐公門誰能拜牀前況乃共酒樽惟
此醉中趣難為醒者論盜卧月皎皎雞鳴雨昏昏

次韻仲車因婁行父見寄之詩

前朝老諸生大半正丘首投荒萬里歸煩公問健否往
時望江宰今為夏津吏他日可教之玉音尚無棄

山谷集卷七